

## Rumantsch

### Diplom universitar (Bachelor), domena principala (120 ECTS)

#### Organisaziun dal studi en domena principala

Il curs è repartì en moduls. In onn da studi cumpiglia in modul da linguatg, in modul da litteratura ed ina lavur da seminari. Ins po cumenzar cun il studi mintga semester d'enviern, independentamain dals moduls offrìs durant quel onn.

Per metter il studi da linguatg e litteratura rumantscha en in rom pli vast, prevesa il program da studi l'acquist da 27 ECTS en in u plirs dals auters roms dal Departement da linguatgs e litteraturas romanas. Plinavant pon singuls seminaris dals differents moduls vegnir remplazzads da curs e seminaris da la medema tematica d'auters roms, p.ex. in seminaris da linguistica rumantscha cun in seminaris davart il medem tema en filologia germana, in seminaris da litteratura rumantscha cun in seminaris da Litteratura generala e cumparativa.

#### Cuntegn dals moduls

**Istorgia dal linguatg:** Las lecziuns dattan ina survista da l'istorgia dal rumantsch da l'entschatta da la colonisaziun dal territori grischun fin al 19avel tschientaner. Il seminaris da quest modul s'occupa da texts da questa perioda. Il modul da basa general da la filologia romana metta il rumantsch en il context pli vast dad auters linguatgs e litteraturas romanas. En accord cun il responsabel po quest modul da filologia romana vegnir remplazzà da lecziuns e seminaris correspundents da filologia taliana u spagnola en cass da difficultads da linguatg.

**Linguistica teoretica:** Las lecziuns dattan ina introducziun en las metodos da la linguistica dal 20avel tschientaner. Il seminaris tractan problems specifics da la linguistica. Tar quest modul tutga er in seminaris da translaziun.

**Linguistica applitgada:** Las lecziuns s'occupan dal rumantsch modern ed actual. Il seminaris tractan problems da la descripziun grammaticala dal rumantsch actual. Tar quest modul tutga er ina introducziun en il rumantsch grischun.

**Litteratura dal temp modern:** En quest modul vegnan tractads texts dal 19avel e da l'emprima mesadad dal 20avel tschientaner, da l'entschatta da la belletristica rumantscha fin al temp suenter la segunda guerra mundiala.

**Litteratura contemporanea:** En quest modul vegnan tractads ils texts contemporans davent dals 1950.

Pervi da la quantidad e la qualidad differenta dals texts da questas duas periodas pon er texts contemporans vegnir tractads en il modul da la litteratura dal temp modern.

**Linguatgs e litteraturas romanas:** Il students/las studentas pon tscherner tranter dus moduls da basa u in modul d'orientaziun en in dals roms filologia romana, talian u spagnol dal Departement da linguatgs e litteraturas romanas.

#### Lavurs en scrit

Las lavurs da seminaris èn lavurs independentas che na ston betg star directamain en connex cun ils temas tractads en il seminaris. Igl è da far las lavurs suandantas:

1 lavur da seminaris en linguistica (3 ECTS)

1 lavur da seminari en litteratura (3 ECTS)

1 lavur da seminari en linguistica u litteratura (en la part che n'è betg vegnida tschernida per la lavur da diplom) (2+2 ECTS)

La dimensiun da questas lavurs dependa dal dumber da puncts ECTS che vegnan attribuids (2 ECTS = 5-10 paginas; 3 ECTS = 10-15 paginas; 4 ECTS = 15-20 paginas).

La lavur da diplom po vegnir fatga en linguistica u en litteratura. Ella remplazza dus seminaris en la domena tschernida per la lavur (10 ECTS = 30-40 paginas).

L'attribuziun da las lavurs da seminari als differents moduls è puramain formala.

#### Evaluaziun da las prestaziuns / examen d'1. onn

Las lecziuns evaluadas fineschan cun in test en scrit da ca. 30 minutas. Ils seminaris vegnan evaluads cuntinuadamain tras pensums a bucca ed a scrit. Tut las units da formaziun survegnan ina nota. La media da las notas da las units d'in modul dat la nota dal modul, che quinta per la nota dal diplom.

L'examen a la fin da l'emprim onn da studi vegn considerà sco reussì, cura che dus moduls èn reussids.

#### Cumpetenzas transversalas e complementaras

Las cumpetenzas transversalas e complementaras ("soft skills") pon vegnir tschernidas en tut ils auters roms dal Departament da linguatgs e litteraturas romanas e sin basa d'ina glista d'au-tras occurrenz che vegnan proponidas. Per ina eventuala recuperaziun dal latin, ch'è obligatori per il studi dal rumantsch en domena principala, vegnan 6 ECTS renconuschids.

#### Plan da studi

	<b>Lecziuns e seminaris</b>	<b>ECTS</b>
Moduls da basa:		
<b>Istorgia dal linguatg</b>		
- Istorgia dal rumantsch	Istorgia dal rumantsch I e II (ina da quellas evaluadas) (1+3) 1 seminaris (5)	9
- Filologia romana	Modul da basa general	9
Moduls d'orientaziun I e II:		
<b>Linguistica</b>		
- Linguistica teoretica	Introducziun a la linguistica I e II (lecziuns evaluadas) (2x3) 2 seminaris (2x5) lavur da seminari (2)	18
- Linguistica applicada	Il rumantsch en il 20avel tsch. + lecz. eval. a tema var. (2x3) 2 seminaris (2x5) (u lavur da diplom) lavur da seminari (2)	18
<b>Litteratura</b>		
- Litteratura dal temp modern	3 seminaris (3x5) lavur da seminari (3)	18

- Litteratura contemporanea	3 seminaris (3x5) (u 1 sem. + lavur da diplom) lavur da seminaris (3)	18
<b>Linguatgs e litteraturas romanas</b>	Modul d'orientaziun (u dus moduls da basa) da filologia romana, talian u spagnol.	18
<b>Remartga</b>	Illes temas dals seminaris ed ils auturs tractads varieschan.	
<b>Examen d'1. onn</b>	Reussida dals dus moduls da l'emprim onn da studi.	
<b>CTC</b>	Cumpetenzas transversalas e complementaras.	12
<b>Total ECTS</b>		<b>120</b>

## **Diplom universitar (Bachelor), domena secundara (60 ECTS)**

### Organisaziun dal studi en domena secundara

In onn da studi sa cumpona d'in modul che cumpiglia tant lecziuns e seminaris da linguatg sco da litteratura: in seminaris da linguatg ed in seminaris da litteratura sco er lecziuns ed ina lavur en scrit. Ins po cumenzar cun il studi mintga semester d'enviern, independentamain dal modul offrì durant quel onn.

### Cuntegn dals moduls

**Modul I:** Las lecziuns dattan ina survista da l'istorgia dal rumantsch davent da l'entschatta da la colonisaziun dal territori grischun fin al 19avel tschientaner. Il seminaris linguistic da quest modul s'occupa da texts da questa perioda. Il seminaris litterar tracta texts dal 19avel tschientaner.

**Modul II:** Las lecziuns dattan ina introducziun en las metodos da la linguistica dal 20avel tschientaner. Il seminaris linguistic tracta problems specifics da la linguistica u da translaziun. Il seminaris litterar tracta texts da l'entschatta dal 20avel tschientaner.

**Modul III:** Las lecziuns s'occupan dal rumantsch modern ed actual. Il seminaris linguistic tracta problems da la descripziun grammaticala dal rumantsch actual u il rumantsch grischun. Il seminaris litterar tracta texts contemporans davent dals 1950.

### Lavurs en scrit

Las lavurs da seminaris èn lavurs independentas che na ston betg star directamain en connex cun ils temas tractads en ils seminaris. La dimensiun da questas lavurs dependa dal dumber da puncts ECTS che vegnan attribuids (3 ECTS = 10-15 paginas). La successiun da las lavurs po variar, surtut per student-a-s che cumenzan lur studi en in auter modul ch'il modul I.

### Evaluaziun da las prestaziuns / examen d'1. onn

Las lecziuns evaluadas fineschan cun in test en scrit da ca. 30 minutas. Ils seminaris vegnan evaluads cuntinuadamain tras pensums a bucca ed a scrit. Tut las unitads da furmaziun survegnan ina nota. La media da las notas da las unitads d'in modul dat la nota dal modul, che quinta per la nota dal diplom.

L'examen a la fin da l'emprim onn da studi vegn considerà sco reussì, cura che l'emprim modul è reussì.

## Cumpetenzas transversalas e complementaras

Las cumpetenzas transversalas e complementaras ("soft skills") pon vegnir tschernidas en tut ils auters roms dal Departament da linguatgs e litteraturas romanas e sin basa d'ina glista d'au-tras occurrenz che vegnan proponidas.

### Plan da studi

<b>Moduls</b>	<b>Lecziuns e seminaris</b>	<b>ECTS</b>
<b>Modul I</b>		
- Istorgia dal rumantsch / Litteratura dal 19avel tsch.	Istorgia dal rumantsch I e II (lecziuns evaluadas) (2x3) 1 seminari linguistic (5) 1 seminari litterar (5) 1 lavur da seminari en linguistica (3)	19
<b>Modul II</b>		
- Linguistica teoretica / Litteratura dal temp modern	Introducziun a la linguistica I e II (lecziuns evaluadas) (2x3) 1 seminari linguistic (5) 1 seminari litterar (5) 1 lavur da seminari en litteratura (3)	19
<b>Modul III</b>		
- Linguistica applicada / Litteratura contemporanea	Il rumantsch en il 20avel tsch. (lecziun evaluada) (3) 1 seminari linguistic (5) 1 seminari litterar (5) 1 lavur da seminari en linguistica u litteratura (3)	16
<b>Remartga</b>	Ils temas dals seminaris ed ils auturs tractads varieschan.	
<b>Examen d'1. onn</b>	Reussida dal modul da l'emprim onn da studi.	
<b>CTC</b>	Cumpetenzas transversalas e complementaras	6
<b>Total</b>		<b>60</b>